

## «Алау» әскери-спорттық ойынның республикалық финалын өткізу ережелері

### 1. Жалпы ережелер

1. Осы ереже «Алау» әскери-спорттық ойынының республикалық финалының (бұдан әрі – Республикалық ойын) мақсатын, міндеттерін, өткізу және қаржыландыру тәртібін анықтайды.

2. Республикалық ойынның мақсаты: жаңа қазақстандық патриотизмді тәрбиелеу, жастарды әскери-патриоттық тәрбиелеу, салауатты өмір салтын насихаттау және дамыту бойынша жұмыстардың мазмұнын жетілдіру.

3. Республикалық ойынның міндеттері:

1) ойын әрекеті негізінде оқушылардың бастамашылдығын және дербестігін дамыту;

2) қолданбалы спорт түрлерін дәріптеу және насихаттау;

3) өңірлерде өскелең ұрпақты патриоттылыққа тәрбиелеу бойынша жұмыстарды жетілдіру және белсендіру;

4) білім алушылардың кәсіби өзін-өзі анықтауы, шығармашылығы, олардың қабілеттерін іске асыру үшін жағдай жасау;

5) жеке және қоғамдық қауіпсіздіктің мотивациялық негіздерін қалыптастыру;

6) тіршілік әрекетінің қауіпсіздігі мәдениетін қалыптастыру;

7) өскелең ұрпақтың шығармашылық әлеуетін ашу.

4. Республикалық ойынды Республикалық қосымша білім беру оқу-әдістемелік орталығы Қазақстан Республикасы Білім және ғылым министрлігінің тапсырмасы бойынша **қашықтық форматта** өткізеді.

5. Республикалық ойынды ұйымдастырушылар ұйымдастыру комитетінің құрамын және қазылар алқасының құрамын қалыптастырады, Республикалық ойынды өткізуді жүзеге асырады, талдайды және қорытындылайды.

### 2. Республикалық ойынды өткізу уақыты мен орны

6. Республикалық ойынға қатысу үшін облыстар, Астана, Алматы және Шымкент қалаларының білім басқармалары басшыларының қолы қойылған ілеспе хат пен өтінімдерді 2023 жылғы 14 сәуірге дейін 1-қосымшаға сәйкес **alaukz@inbox.ru** электронды поштасына жібереді.

7. Өтінімге мыналар қоса тіркеледі:

1) қатысушылар туралы мәліметтер (Т.А.Ж., туған жылы, сыныбы, курсы, оқу орны және білім беру ұйымының мекен-жайы, телефоны, топ жетекшісінің Т.А.Ж., жұмыс орны, лауазымы, ұялы телефоны);

2) қатысушылардың, топ жетекшісінің жеке басын куәландыратын құжаттардың көшірмелері.

3) MP4 форматындағы <http://www.youtube.com> арнасында жарияланған бейнеге сілтемелер.

8. Республикалық ойынның қорытындысы, жеңімпаздардың дипломдары, жеңімпаз команда жетекшілеріне алғыс хаттардың және қатысушыларға сертификаттардың электронды нұсқалары [www.ziyatker.org](http://www.ziyatker.org) сайтында **2023 жылғы 19 мамырда** орналастырады.

### 3. Республикалық ойынға қатысушылар

9. Қашықтық форматтағы Республикалық ойынның финалына облыстық, Астана, Алматы және Шымкент қалалары кезеңдеріндегі Ойын жеңімпаздары – жалпы орта және қосымша білім беру ұйымдарының **12-14 жастағы 7-8 сынып** білім алушылары ұлдар мен қыздар қатысады (7 ұл, 2 қыз).

10. Республикалық ойынға қатысушылар саны: **180** адам (әр өңірден **9** оқушыдан).

### 4. Республикалық ойынға қатысушылар

11. Республикалық ойын екі кезеңде өткізіледі:

1) бірінші кезең (іріктеу) – Өңірлік:

мектепшілік ойын;

аудандық (қалалық) ойын;

облыстық, Астана, Алматы және Шымкент қалалық ойын;

2) екінші кезең (қорытынды) – республикалық ойын.

12. Республикалық ойынның өңірлік (іріктеу) кезеңін өткізу мерзімдері аудандық (қалалық) білім бөлімдерінің және облыстық, Астана, Алматы және Шымкент қалаларының білім басқармалары басшыларының бұйрығымен анықталады.

13. Мектепшілік ойынның нәтижелері бойынша жоғары балл жинаған командалар аудандық (қалалық) ойынға қатысады. Облыстық ойындарға аудандық (қалалық) кезеңдерінің жеңімпаздары қатысады.

Республикалық ойын санитарлық-эпидемиологиялық қауіпсіздік нормаларын сақтай отырып, дезинфекция, кварцтау, желдету режимін сақтай отырып, адамдардың көп жиналуына жол бермеу немесе қашықтықтан өткізіледі.

14. Республикалық ойын келесі номинациялар бойынша өткізіледі:

**1. Саптық байқау.** Барлық команда қатысады. Сыртқы келбеті, бөлімше құрамында саптық тәсілдерді сол жерде және қарусыз қозғалыста орындауы, салтанатты маршпен өтуі, саптық әнді орындауы тексеріледі.

Команданы бір қатарда сапқа тұрғызу, саптан шығу және бөлімше командирінің жарыстың бас төрешісіне (команда басшысына онлайн режимінде) баяндамасы, команданы екі қатарға қайта құру, бір орнында бұрылу (Сол-ға, Оң-ға, Ке-рі), салтанатты маршпен өту (жарыстың бас төрешісіне офлайн режимінде немесе команда басшысына онлайн режимінде құрмет беру), саптық әнмен команданың өтуі.

Командаларды мемлекеттік тілде және ҚР ҚК саптық жарғысына сәйкес беру міндетті шарт болып табылады.

Киім үлгісі ҚР ҚК киім нысанын көшірмеуі тиіс (шеvronдарға, белгілерге, ҚР ҚК символикасына рұқсат етілмейді).

*Республикалық ойынды ұйымдастырушыларға MP4 форматында <http://www.youtube.com> каналында орналастырылған бейнематериалға сілтеме жіберіледі. Нәтижелер командалық есепте анықталады. Бейнетүсірілім алдыңғы жағынан-бүйірден жүргізіледі.*

Бағалау өлшемдері:

командирдің әрекеттері;

командалардың саптық реттілігі - қатысушылардың команда құрамында анық, бірыңғай және келісілген әрекет ете білуі;

команда мүшелерінің сыртқы келбеті.

**2. Ұлы Отан соғысы кезіндегі патриоттық әннің сахналанған «Ерлікке жүрегіңмен жақында» байқау – сайысы.** Барлық команда қатысады. Байқауға қатысушылар деректемелерімен үйлесімді музыкалық және көркем шеберлігін көрсетуі тиіс.

Біріншілік вокалдық және актерлік шеберлік, қойылым; костюмдер мен деректемелер өлшемдері бойынша анықталады.

Нәтижелер командалық есепте анықталады.

*Республикалық ойынды ұйымдастырушыларға MP4 форматында <http://www.youtube.com> каналында орналастырылған бейнематериалға сілтеме жіберіледі.*

Бағалау өлшемдері:

- ән репертуарының байқау тақырыбына сәйкестігі;
- орындаушылық шеберлігі;
- сахналық мәдениеті;
- сыртқы түрі;
- көркемдігі (әсерлі орындауы).

### **3. Турникке тартылу.**

*5 ұл қатысады. Жеке бейнероликтер - MP 4 форматында жазылады, бейнетүсірілім 45 градус ракурстан алдыңғы жағынан-бүйірден, турниктің деңгейінде жүргізіледі. Нәтижелер командалық есепте анықталады.*

**4. Арқамен жатып денені жерден көтеріп түсіру** 2 қыз қатысады. қыздар арқамен жатып денені жазықтықта (кілемде) жерден көтеріп түсіреді.

*Қатысушылар Республикалық ойынды ұйымдастырушыларға MP 4 форматында жеке бейнероликтерді жолдайды, бейнетүсірілім бүйірінен, төменнен жүргізіледі. Нәтижелер командалық есепте анықталады.*

Командалар арасындағы біріншілік тартылу мен денені жерден көтеріп түсірудің ең көп саны және бойынша анықталады (орташа арифметикалық).

### **5. Тарихи-өлкетану зерттеу жобасын қорғау.**

«Ұрпаққа ұран болған Ұлы Ерлік!» (үй жұмысы) Ұлы Отан соғысының ардагері немесе тыл еңбек ері, батыр жерлесіміздің тағдыры туралы.

Команда жетекшісінің басшылығымен барлық команда қатысады.

Команда зерттеу жобасын 7 минут ішінде (көп емес, уақыт тіркеледі, жобаны қорғау 7 минуттан кейін үзіледі) презентация, бейнематериалды көрсету, көркем (сахналық) нөмір немесе басқа шығармашылық жұмыс түрінде қорғайды.

Презентацияның бірінші слайдында мыналарды көрсету керек: номинацияның атауы, команданың атауы, облыс, білім беру ұйымы, қатысушының тегі, аты, жасы, жетекшінің толық аты-жөні.

Бағалау өлшемдері:

- материалдардың жаңашылдығы;
- қабылдау сенімділігі мен қол жетімділігі;
- материалды ұсынудың өзіндік ерекшелігі;
- сыртқы көріністің эстетикасы;
- жұмыстың айқындылығы.

**Байқаудың қашықтық форматында жоба 2023 жылғы 03 мамырда ZOOM платформасында онлайн түрде қорғалады, сілтеме қосымша жіберіледі.**

## 6. Атыс даярлығы.

Қатысушылар – 2 (1 ұл, 1 қыз).

«АК-74 ММГ бөлшектеу және жинау» орындалады. АК-74 ММГ бөлшектеу уақыты бөлек тіркеледі, АК-74 ММГ жинау бөлек бекітіледі. Оқушылардың қауіпсіздігі мақсатында АК-74 ММГ бөлшектеу кезінде керек-жарақтары бар пеналды ұядан шығаруға тыйым салынады.

*Қатысушы секундомерде орындау уақытын қамти отырып, MP4 форматында бейнеролик түсіреді және оны <http://www.youtube.com> каналына орналастырады, ұйымдастырушыларға бейнематериалға сілтемені жібереді.*

Жеңімпаз (жеке біріншілік) нормативті орындауға жұмсалған ең қысқа уақыт бойынша анықталады.

## 5. Қатысушыларды марапаттау

15. Республикалық ойынның қорытындысы бойынша төрешілер алқасы жеңімпаздарды анықтайды. Жеңімпаздар I, II, III дәрежелі дипломдармен және бағалы сыйлықтармен, ал жеңімпаз командалардың жетекшілері - алғыс хаттармен марапатталады. Республикалық ойынның барлық қатысушыларына сертификаттар табысталады.

16. Республикалық ойынның қашықтық форматында сыйлық жеңімпазға немесе жеңімпаз команданың жетекшілеріне өтінімде көрсетілген мекенжай бойынша Қазпочта арқылы табыс етілгені туралы хабарламамен жіберіледі. Сыйлықты алғаны туралы қабылдау – тапсыру актісі сыйлықпен бірге қоса беріледі.

Алушы сыйлықты алғаннан кейін қабылдау – тапсыру актісіне қол қойып, Т.А.Ә. және телефонын көрсетіп, сыйлықты алғаны туралы құжаттың сканерленген нұсқасын, жеңімпаздың сыйлықпен түскен фотосын [alaukz@inbox.ru](mailto:alaukz@inbox.ru) электронды поштаға кері жібереді.

17. Республикалық ойынның қашықтық форматында жеңімпаздардың дипломдары, олардың жеңімпаз команда жетекшілеріне алғыс хаттардың және қатысушыларға сертификаттардың электронды нұсқалары [www.ziyatker.org](http://www.ziyatker.org) сайтында **2023 жылғы 19 мамырда** орналастырады.

Анықтама телефоны: 8 (7172) 64-75-93, 87003132788.

1-қосымша

### «Алау» әскери-спорттық ойынның Республикалық финалына қатысуға өтінім

№ р/с	Қатысушының аты-жөні (толық)	Қатысушының туған күні	Тұратын мекен-жайы (облыс, қала, ауыл, көше, үй, пәтер номері, телефоны)	Білім беру ұйымы, сыныбы, курсы	Оқыту тілі	Команда аталуы	Команда жетекшісінің аты-жөні (толық), байланыс телефондары
-------	------------------------------	------------------------	--------------------------------------------------------------------------	---------------------------------	------------	----------------	-------------------------------------------------------------

